

Eo ci Aghju in Core

Eo ci aghju in core
Tù a voli sapè
Eo ci aghju in core
Què è què.

Micca una pena amara
Micca centu oimè
Ci aghju incesu una fiara
Cum'è tè
Micca una malacella
Nè un sturzacaprè
Ci aghju una rundinella
Cum'è tè.

Micca una civetta
Chì face u coccodè
Ma una zitelletta
Cum'è tè
Micca una giuella
Avvezza à u bel'gudè
Piuttostu una ribella
Cum'è tè.

Micca una citatina
Ch'ùn cunnosce a filè
Ma una pratellina
Cum'è tè
Micca una capivana
Sempre in trenta trè
Ma una figliola sana
Cum'è tè.

Mancu vogliu la luna
Mancu vogliu le stè
Tantu ùn ci n'hè mancu una

Cum'è tè
Eo ci aghju in core
Tù a voli sapè
Ci hè venutu un amore
Cum'è tè.